

CAPITVLVM XCV.

De licentia coniugij, & alij requisiti ad hoc vt alter coniux possit consummationem matrimonij possit in religione profiteri? & quid quando id sit absque consensu remanentis in seculo?

SVM MARIVM.

- 1 Licentia vnus coniugis manentis in seculo post consummationem matrimonij, non sufficit ad hoc vt licitus sit ingressus alterius coniugis in religionem, nisi vterque ad religionem migrauerit, praterquam in casu senectutis, &c. vt hic.
 - 2 Aetas que esse debeat tam in masculo quam in femina post consummationem matrimonij ad hoc vt coniux possit in seculo remanere.
 - 3 Aetas potens generandi tam in viris, quam in feminis.
 - 4 Licentia Episcopi an sit necessaria ad hoc vt coniux senex post ingressum religionis alterius possit remanere in seculo, consummato iam matrimonio, & numero sequentibus.
 - 5 Palatii opinio improbat circa transitum religionis coniugis iuuenis altero religionem proficiente.
 - 6 Votum temporale coniugis manentis in seculo an sufficiat altero religionem proficiente.
 - 7 Votum castitatis perpetuum coniugis manentis in seculo an efficiatur solenne, eo ipso, quod alter proficiatur.
 - 8 Coniux senex remanens in seculo suspectus de incontinentia an debeat quoque profiteri?
 - 9 Votum coniugis iuuenis remanentis in seculo non sufficit, quamuis ita vita honeste sit, vt nullus incontinentie timor subsit.
 - 10 Coniux manens in seculo ratificans alterius coniugis professionem abs sui licentia factam non indiget religionis ingressu, quamuis iuuenis sit.
 - 11 Professio coniugis facta de licentia spontanea alterius valida est, quamuis in seculo remanens iuuenis sit & de incontinentia suspectus.
 - 12 Ordinis permissio, quando non est de substantia, non vitiat actum.
 - 13 Professio coniugis altero manente in seculo absque voto an valida sit?
 - 14 Coniux professus a religione reuocatus per coniugem tenetur post mortem ipsius ad religionem redire in casu de quo hic.
 - 15 Matrimonium initum a coniuge professo est irritum.
 - 16 Aduersus alios de quibus hoc numero 16.
 - 17 Coniux professus reuocatus ab altero coniuge tenetur ei debitum reddere.
- Non tamen debet petere, vt in numero 11.
- 19 Professio coniugis facta altero coniuge ignorante, vel eo contradicente post consummationem matrimonij an valida sit.
 - Limitatur numero 20.
 - 21 Coniux inualide professus transiit ad aliud matrimonium peccat mortali.
 - 22 Votum professionis facta ab altero coniuge irrita an habeat vim voti simplicis?
 - 23 Coniux absque licentia alterius professus an teneatur ab ipso reuocatus redire post eius obitum ad religionem?
 - 24 Coniugis licentiam concedens alteri coniugi metu cadentis in constantem virum extortam, an eorum est professum repetere, secum quando metu lenis fuit.

- 25 Coniux manens in seculo potest reuocare licentiam a se prestitam dolo graui alteri coniugi ad ingrediendum religionem.
 - 26 Coniux manens in seculo, qui non prestitit licentiam alteri coniugi ingrediendi religionem, sed tacuit potest eum reuocare a religione.
 - 27 Professus absque alterius coniugis licentia aut eum a dolo aut metu extorta an possit resistere coniuge altero adulterante.
- Concil. Trident. sess. 25. de regul. cap. 19. intellectus.

eum, & ita sentiant glossa in d. cap. si vir, verbo conscientia, & alij quamplures Canonistae, & Theologi quos ibi citat, nec dissentit Regia secunda ibi: Pero deue ser fecho por mandado del Obispo, & de alguno de los otros Prelados de la Santa Iglesia, que loan poder de lo mandar, non enim hoc requirit illa tanquam necessarium ad professionis valorem, sed de honestate, teneret itaque ingressus, & professio in specie praemissa sine licentia Episcopi, vt cum glossa, & ceteris DD. tenet ibi Greg. Lopez in glossa, del Obispo, & cum eo Sanch. vbi supra, sic intelligens d. l. Regium, & mihi quoque placet. Quoad secundum similiter verba, d. cap. si vir, ibi nullatenus sine Episcopi conscientia fiat: non inducunt preceptum, sed honestatem, vt tenent, & docent ibi Archidiaconi, numero 1. super verbo fiat, & Bellarm. numero vnico, & alij quos refert, & sequitur Sanch. vbi supra addens et Ioan. Andr. & Cardin. consuetudine receptum esse, vt ea licentia non petatur.

Licentia vnus coniugis manentis in seculo post consummationem matrimonij non sufficit ad hoc, vt sit licitus ingressus alterius coniugis in religionem, nisi vterque ad religionem migrauerit, praterquam si manens in seculo sit senex, & absque incontinentie suspitione, tunc namque requiritur, vt in votum castitatis emittat, ita expresse decidit in cap. cum sit, & in cap. vxoratus, & in cap. ad Apostolicam de conuers. coniug. iuxta quam distinctionem est intelligendus textus in cap. 1. eodem titulo, in quomnes communiter conueniunt.

Quae autem aetas sit in hoc proposito senectuti tam feminae, quam masculo agit late Thom. Sanchez lib. 7. de matrim. disputat. 32. numero 15. & 16. vbi relata opinione Soti, & aliorum existimantium aetatem 60. ann. requiri ad hoc vt femina dicatur senex, ipse Sanch. censet non videri hanc aetatem in proposito prescribendam senectuti, sed id prudenti arbitrio committendam, & tandem numerata, versiculo ex his ergo, existimat virum sexagenarium esse iudicandum ad hunc effectum senem, vt docent Authores numero praecedenti ab eo citati, & feminas quinquagenarias credit esse senes ad eundem effectum.

Quia licet secundum Aristotel. & alios Authores quos allegat vt plurimum finis generandi sit viris septuagesimus annus, mulieribus quinquagesimus, demum tamen sexagesimus annus est iam communiter viris terminus generandi attento naturali generandi statu, quod si contrarium contingat, accedenti potius quam naturae tribuendum est, vt ibi probat cuius opinionem in hoc probat.

Dubium tamen est, virum sit necessaria licentia Episcopi in casu didorum iurium? Et quidem pro parte affirmatiua adducit soler text. in cap. si vir, & vxor 27. questione 2. inquit enim: si vir, & vxor diuertere pro sola religiosa inter se consenserint vita, nullatenus sine Episcopi conscientia fiat, glossa iuxta text. in d. cap. primo de conuersione coniug. verbo reuocari dicit: si coniux senex sit sit esse votum eius in seculo interueniente Episcopi autoritate, & eam exigi docent Hostien. in d. cap. cum sit, numero 3. super verbo permissio, & in d. cap. vxoratus numero vnico, super verbo publico, & ibi Ioannes Andr. numero 1. super verbo confessio Ecclesie, & Auchar. ibi numero 4. notabil. 3. Anton. de Butt. numero 4. Cardin. in fin. & esse de substantia valoris professionis tenent nonnulli, quos refert Thom. Sanch. lib. 7. de matrim. distinctione 32. numero 3. explicans praetam licentiam Episcopi posse ad tria requisita esse: Primum ad valorem professionis, secundum vt recte fiat, quasi sub precepto sit ea petenda, tertium ne coniux quamuis legitime professus possit reuocari ad coniugem manentem in seculo: sicut reuocari potest quando coniux manens in seculo non vult continentiam, sed concessit licentiam, vt dicitur in cap. 1. de conuersione coniug. quamuis tunc professio fuerit valida.

Quod primum censet Sanchez vbi supra, eam Episcopi licentiam non esse necessariam ad professionis valorem ex fundamentis, de quibus ibi per

Quoad tertium existimat Sanchez nihil ad rem facere defectum licentiae Episcopi, aut eam interuenisse quoad reuocationem, vt ibi bene probat. Magister Michael de Palatio noster Concanonicus in quarto, distinct. 27. disput. secunda, colum. 33. versio, quae circa fol. 139. censet transitum ad religionem coniugis iuuenis, vt alter licite proficiatur non debere esse ad professionem emittendam, sed potius vt ibi inclusus a vagationibus arceatur, atque ideo consulti sit incontinentiae periculo, praestate huic opin. argumentum text. in cap. vxoratus de conuers. coniug. ibi: Si autem fuerit talis, quae suspitione non caret, voto continentiae celebrato, & secularium hominum conuersione remouetur.

Hae tamen praed. Authores opinio vera quidem non est, ac proinde non tenenda, sed imo necessariam esse vt coniux ille iuuenis proficiatur, vt probatur in eodem c. vxoratus in verbis immediate sequentibus, ibi, & in loco religioso. vbi de feruore, perpetuo commoretur: & expressius in c. cum sit de conuers. coniug. ibi, nisi vterque ad religionem migraverit, & in cap. primo, eodem tit. ibi, nisi vxor ad religionem transierit: & in cap. Agabus 27. questione secunda, ibi, postquam copulatione coniugij viri atque mulieris vnum corpus efficitur, non potest ex parte conuerti, & ex parte manere in seculo, & in terminis hanc sententiam tenent Abb. in d. cap. vxoratus numero 3. & in cap. accedens numero 2. eodem titulo de conuers. coniug. Syluest. in summa, verbo dicitur, questione 13. numero 2. Dominic. a Soto in quarto, distinctione 27. questione 1. articulo 4. columna antepenultimam, vers. potest & vnus, Palatius sibi contrarius in quarto, distinctione 32. dissertatione secunda, columna 100. folio 718. in versio, si arguerit est, & alij, quos refert, & sequitur Thom. Sanch. d. lib. 7. de matrim. disput. 32. num. 4. ad fin. vbi etiam, quod non est satis, si proficiatur vir assumpto habitu Equitum Dni Ioannis, quia est ea sit professio solennis, at hi remanent in seculo cum periculo incontinentiae, quod est contra text. in d. cap. vxoratus.

Nec sufficit votum temporale coniugis manentis in seculo, nempe dum coniux proficiat suspectus fuerit, vt in d. cap. 1. de conuersione coniug. ibi: nisi vxor ad religionem transierit, aut perpetuo castitatem seruare promiserit: & in cap. ad Apostolicam eodem tit. ibi, nisi reliquus perpetuam continentiam reprobmittat, ita tenent Hostien. Ioan. Andr. Anton. de Butrio, & alij, quos refert, & sequitur Thomas Sanchez vbi supra, numero 3. estque verissimum, & tenendum.

Illam tamen quaestio in proposito difficilis admodum est, an scilicet votum castitatis perpetuum coniugis manentis in seculo, efficiatur solenne, eo ipso, quod

